



Inatsisartuni ilaasortaq Pele Broberg, Partii Naleraq
/maani

Mittarfeqarfiit akinut akiliisarnermullu malittarisassaat pillugit § 37 naapertorlugu apeqquteqaammut 2019-306-imut akissut

24-09-2019
Suliaq nr.: 2019 - 19968
Id nr. 44638368

Asasara Pele Broberg

Inatsisartut suleriaasianni § 37 naapertorlugu Mittarfeqarfiit akinut akiliisarnermullu malittarisassai nutaat pillugit Naalakkersuisunut apeqquteqaateqarputit. Apeqqutit uannit akineqartussatut innersuunneqarpoq. Apeqqutit matuma kinguliani allanneqarpoq, akissummillu malitseqarluni.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

1. Naalakkersuisut 24. maj 2019 akuerinikuusaat, mittarfeqarfiit akitsuutissaat nutaat atuissut akilertagassaat paasissutissaat tamaasa qanoq isikkoqarpap?

Akissut: Mittarfeqarfiit akinut akiliisarnermullu malittarisassai atuuttut piffissami sivitsortumi iluarsaattariaqarsimapput, aammalu sivisuumik najoqqutassat pisariillisarneqarnissaat kissaatigineqarsimavoq.

Ataatsimut isigalugu akinut akiliisarnermullu malittarisassani atuuttuni akit arfineq pingasut assigiinngitsut atorineqarput, nunap iluani imaluunniit nunanut allanut angallaviit, angallavinni timmisartuussinerit imaluunniit angallaviunngitsuni timmisartuussinerit, kiisalu ukiuunerani aasaanerani timmisartuussinerit atorineqarnersut apeqqutaallutik.

Mittarfeqarfiit akinut akiliisarnermullu malittarisassaannut pisariillisaanerit uku ilanngunneqarput:

- Aasaanerani ukiuuneranilu ammatitsinermut akit assigiissarneqarneri/angallaviit – angallaviunngitsut
- Nunap iluani nunanullu allanut angallannerni ilaasunut akit assigiissarneqarneri
- Nunap iluani nunanullu allanut angallannerni aallartarnermut akit assigiissarneqarneri
- Isumannaallisaanermut akit assigiissarneqarneri

Akinut malittarisassat nutaat Mittarfeqarfinnut isertitsiviusussaangitsutut suliarineqarput, kisiannili 2013-imili akinik iluarsisooqartannginnerata kingunerisaanik akit 5,55 %-inik iluarsineqarput, taannalu akinik qaffaassutigineqartutuaavoq. Oqaatigineqanngilarli ataatsimut isigalugu angallaviit ilaat angallassisullu ilaasa ilaatigut akit qaffasinnerusut annikinnerusulluunniit malugisassanngikkaat.

Aamma qulimiguulinnik angallassinermut akit pisariillisarneqarput, taakkunani isumannaallisaanermut akinut akiliisitsisoqartarunnaarluni.

Akinut akiliisarnermullu malittarisassani atuuttuni assersuutigalugu napparsimasunik aamma inuttanik sulinngitsunik timmisartuussinerit ilaatinneqanngillat. Taakku immikkut pisut eqqaassanngikkaanni malittarisassani nutaani peerneqarput. Kisiannili napparsimasunik timmisartuussinernut tunngatillugu peqqinnissaqarfik saniatigut immikkut aningaasartuuteqarnermut taarsiiffineqartassaaq.

Ilaasunut akit	Akit nutaat	Akit nutaanngitsut			
		Nunap iluani		Nunanut allanut	
		Angallavinni	Angallaviunngitsuni	Angallavinni	Angallaviunngitsuni
Qulimiguullit heliportiniit	168	150	255	206	306
Qulimiguullit mittarfinniit	168	120	225	176	276
Suluusallit (1. maajimiit 30. sep.-imut)	275	246	395	402	402
Suluusallit (1. okt.-imiit 30. apriliimut)	275	169	353	371	371

Matuma siuliani allasimasunut tapiliullugu oqaatigineqarsinnaavoq, Naalakkersuisut 2016-2020-mut takornariaqarnermut suliniutaanni (innersuut 5) akit ilusaat pisariungaatsiarloq, pingaartumillu nunanut allanut angallaviunngitsunullu akit qaffasinnerusut nunanut allanut attartortitsillunilu timmisartuussinernut, taamaalillunilu Kalaallit Nunaata takornariaqarnermi unammillersinnaaneranut ineriartortitsisinnaanerannullu akornutaasutut paasineqarmata. Akinut akiliisarnermullu malittarisassani nutaani angallavinni angallaviunngitsunilu timmisartuussinerit immikkoortinneqanngillat, taamaalillunilu Kalaallit Nunaata nunallu akornanni toqqaannartumik timmisartuussinernut akit ullumikkornit appasinnerussapput – aasaanerani ukiuuneranilu.

Kiisalu oqimaassutsinut immikkoortitsilluni akilersuisarneq pisariillisarneqarpoq, naak tamanna Air Greenlandip timmisartuutaanut atatillugu nikittussatut naatsorsuutigineqanngikkaluartoq.

Neriuppunga qulaani allaqqasuni apeqquteqaatit akineqartoq.

Inussiarnersumik inuulluaqqusillunga


Karl Frederik Danielsen